

Novotarija

<"xml encoding="UTF-8?">

Novotarija



Božiji Poslanik, s.a.v.a.: *"Najgore djelo je novotarija. Znajte, svaka novotarija je zabluda, a svaka zabluda završava u Vatri."*

Božiji Poslanik, s.a.v.a.: *"Čuvaj se da ne uspostaviš novi sunnet (običaj), jer ako rob uspostavi loš sunnet, njemu se pripisuju grijesi za to i grijesi onoga koji će raditi prema novom sunnetu."*

Imam Ali, mir s njim: *"Nije uspostavljena novotarija, a da nije zbog toga napušten sunnet. Čuvajte se novotarija i pridržavajte se jasnog puta. Najbolja djela su ona koja imaju*

prošlost, a najlošija su novotarije."

Imam Ali, mir s njim: *"Ništa ne razara vjeru kao novotarije."*

Sljedbenici novotarija

Božiji Poslanik, s.a.v.a.: *"Sljedbenici novotarija su najgori ljudi."*

Božiji Poslanik, s.a.v.a.: *"Sljedbenici novotarija su psi stanovnika Vatre."*

Šta znači novotarija?

Imam Ali, mir s njim: *"Sljedbenici novotarija su oni koji se protive Božijoj zapovijedi, Njegovoj Knjizi i Njegovom Poslaniku. Oni rade po svom nahođenju i svojim strastima, koliko god da ih je mnogo."*

Imam Sadik, mir s njim: *"Ko poziva ljude sebi dok među njima ima učeniji od njega, on je zalutali novator."*

Izbjegavanje onih koji donose novotarije

Božiji Poslanik, s.a.v.a.: *"Ko se kloni novatora u vjeri iz mržnje prema njemu, Allah mu ispuni srce sigurnošću i imanom."*

Božiji Poslanik, s.a.v.a.: *"Svako ko se nasmiješi onome koji unosi novinu u vjeru, pripomogao je rušenju vjere."*

Novotarije i ibadet

Božiji Poslanik, s.a.v.a.: *"Onoga ko postupa po novotarijama u vjeri šejtan ostavlja samog sa ibadetom i nadahnjuje ga skrušenošću i plačem."*

Neispravnost djela onih koji donose novotarije

Božiji Poslanik, s.a.v.a.: *"Malo djela u ispravnom sunnetu bolje je od mnoštva djela u novotarijama."*

Božiji Poslanik, s.a.v.a.: *"Allah ne prihvata pokajanje onih koji donose novotarije."*

Obaveza učenjaka pri pojavi novotarija

Božiji Poslanik, s.a.v.a.: *"Kada se pojavi novotarija u mom ummetu, neka učenjak pokaže svoje znanje, a ko ne učini tako, neka je proklet od Boga!"*